

聖無能勝金剛火陀羅尼經

西天譯經三藏朝散大夫試鴻臚少卿傳教大師臣法天奉 詔譯

如是我聞：一時佛在妙高山寶峯樓閣之中，以種種金寶而用莊嚴，無數光明，周匝照曜於諸山巖。復有栴檀、沈水、塗香、栴香、種種名花及諸寶蓋、鈴鐸如是嚴飾。爾時有天龍、夜叉、阿修羅、乾闥婆、迦樓羅、緊那羅、摩睺羅伽，及持明仙、部多、尾那夜迦、毘舍左、有形、無形、末怛里眾等皆來集會，坐遍五百由旬。復有菩薩摩訶薩七千五百人，苾芻眾一萬二千五百人，俱來會坐而為聽法。

爾時會中天、龍、夜叉、阿修羅、乾闥婆、迦樓羅、緊那羅、摩睺羅伽、及持明仙眾、部多、頻那夜迦、毘舍左、有形、無形、末怛里眾等，高聲唱言：苦哉！苦哉！時釋迦牟尼如來應正等覺即問言：汝等云何高聲唱言：怖畏苦惱？彼眾等白佛言：世尊！我被大力聖者恐怖降伏而今來此，唯願慈悲特垂救護。世尊告言：今此一切最上廣大曼拏羅中，有一菩薩摩訶薩，已得一切如來灌頂，獲不退轉菩提之位，能覺悟善惡諸業，當安慰汝等。佛說是語已，於剎那間，有菩薩摩訶薩名金剛手，領五千金剛眷屬，即現在前，身如金剛山，放金色光，普照世界，頂戴寶冠，面如滿月，手執金剛棒、金剛槩、金剛繩索，具大福力，能破諸惡。五千金剛眷屬名曰：金剛難拏大將、金剛嚙日囉誑囉婆大將、金剛嚙日囉計都大將、金剛嚙日囉嚙婆娑大將、金剛儼擲嚙日囉大將、金剛囉怛曩嚙日囉大將、金剛玉呬也嚙日囉大將、金剛作訖囉嚙日囉大將、金剛摩訶嚙日囉難拏主、金剛護世明王、及金剛魔、金剛頻那夜迦、金剛曜童子、金剛烏娑多羅迦、金剛大惡等。此諸金剛，於大曼拏羅中，放清淨光，照曜一切，令眾生心懷歡喜。時金剛手菩薩偏袒右肩，頂禮佛足，右邊三匝，合掌安立，於佛前住。

爾時世尊勅金剛手菩薩言：今此會中，有天、龍、夜叉、乾闥婆、阿修羅、迦樓羅、緊那羅及諸部多之類，高聲唱言：怖畏苦惱。汝為我安慰彼等，令彼快樂無畏！爾是金剛手菩薩即於天龍阿修羅等部多眾前，入三摩地，名最上金剛器仗光明燈，發大神通，令此三千大千世界雷電閃電如大火焰，是諸眾生見是事已，即除苦惱怖畏。復有恒河沙數眾生見是事已，發清淨梵行持戒忍辱心，一切財寶施金剛手菩薩，皆願隨從，聽受妙法。是時金剛手菩薩即為天龍夜叉之眾說四諦、十二因緣、三摩地門、十波羅蜜及本金剛族大曼拏羅儀則等法。所有梵王天、大自在天、嚙嚙拏天、俱尾羅天、摩嚙多天、那羅延天、焰摩天、帝釋天、而得成就者，阿修羅、誑嚙拏、乾闥婆，而得成就者，乃至諸惡部多，大囉刹等，難調伏者使調伏，懷惡心者發善心，懷邪見者得正見，懷瞋恚者起

慈悲心，懷愚暗者而能明了，先具強力者失強力，先能隱身者而不能隱身，他人真言能自禁斷，自真言能求圓滿，住曼拏羅中，覺悟調伏如是等眾。

爾時佛勅金剛手菩薩言：汝為宣說《無能勝金剛火大陀羅尼》令彼等受持。時金剛手菩薩即以此陀羅尼真實威德之力，放大光明，照彼天人阿修羅等及一切賢聖大會之眾；復以陀羅尼威力故，令日月星宿光明不現，大海涌沸，妙高山王悉皆震動。爾時大光焰藏金寶峯中有金剛手童女，變化自身如大熾焰，即往虛空至大力天王諸天前告彼眾曰：金剛手菩薩將說如來三摩地心，汝等當宜各捨金剛器仗，求此大陀羅尼法。時世界主大梵天王及諸天王等俱發聲言：如菩薩勅，我今即往。於是大自在天捨三股叉，那羅延天捨輪，焰摩天捨杖，俱尾囉天捨棒，帝釋天捨金剛杵，嚩嚩拏天捨繡索，天魔捨其障難，阿修羅捨其威力，摩嚩多捨其迷著，鬼母眾離於散亂，龍神眾離於毒；夜叉、囉刹、緊那羅、毘舍遮、部多、摩睺囉伽、乾闥婆、鳩槃荼等皆去威力，於金剛手菩薩前，一心恭敬聽說陀羅尼。爾時金剛手菩薩即說陀羅尼曰：

曩謨(引)囉怛曩(二合)怛囉(二合)夜(引)野曩莫室戰(二合)拏囉日囉(二合)播(引)拏曳(引)摩賀(引)藥乞叉(二合)細(引)曩(引)鉢哆曳(引)怛儻也(二合)他(引)怛他(引)誡多三摩(引)地馱(引)囉尼(引)末(引)囉里多(二合)以瑟也(二合引)彌翳呬曳(二合)呬囉日囉(二合)俱羅俱胝播(引)囉迦俱羅尸契迦閉攞計(引)尸怛致爾喻(二合引)低囉爾喻(三合引)低悉謨(二合引)吒儻迦里迦(二合)那暮(引)吒低囉地(引)囉日囉(二合)尾禰愈(二合)特尾(二合)路(引)隸(引)母俱母俱酥母酥母婆(引)攞娑囉娑普(二合)吒娑普(二合)吒娑普(二合)吒烏地愈(二合引)帝(引)賓誡隸(引)爾喻(二合引)低寫爾喻(二合引)低囉入囉(三合)攞賓誡隸(引)薩里囉(二合)禰(引)囉誡拏鉢囉(二合)賀囉拏摩(引)野(引)悉地捺(引)以計蘇嚕蘇嚕囉日囉(二合)護多(引)啥呢(引)地里(二合)荼娑(引)囉鉢囉(二合)賀囉尼囉怛曩(二合)怛囉(二合)野(引)地迦(引)囉部(引)帝(引)囉日囉(二合)馱囉尾濕囉(二合引)捨儻阿鉢囉(二合)底賀哆鉢囉(二合)摩里陀(二合)儻娑囉(二合引)賀(引)

Namo ratna-trayāya. Namaś caṇḍa vajrapāṇaye mahāyakṣa-senāpataye. Tadyathā, tathāgata samādhi-dhāraṇī mā-varta iṣyāmi. Ehyehi vajra-kula, koṭi pāvaka-kula śikhin kapila-keśi, taḍit jyotir-jyotis moṭani, kalkana moṭati vadhīm, vajra-vidyut vi-lole, muc ku muc ku śumu śumu, bhāla sara sphuṭa sphuṭa, sphuṭa sphuṭa udyote piṅgale, jyotiṣya jyotir-jvala-piṅgale, sarva deva-gaṇa praharaṇa māyā siddhi dāyike, suru suru vajra-hutâśane dṛḍha-sāra

pra-haraṇi, ratna-traya adhi-kāra bhūte vajradhara viśva-aśany a-
pratihata pra-mardani svāhā.

若此陀羅尼有人聞已，一心讀誦，憶念受持，是人得入一切世間出世間曼拏羅三昧。若人隨喜恭敬，是人不為禁呪、諸毒、及一切恐怖之所惱害。

爾時佛勅金剛手菩薩說大陀羅尼時，欲界、色界、諸天一切天子，於空中雨種種殊妙香花而用供養，復以微妙梵音歌詠讚歎。時大曼拏羅會一切聖賢、苾芻眾等并諸菩薩摩訶薩皆大歡喜，信受奉行。

聖無能勝金剛火陀羅尼經

【經文資訊】大正新脩大藏經第 21 冊 No. 1236 聖無能勝金剛火陀羅尼經

【版本記錄】CBETA 電子佛典 Rev. 1.8 (Big5)，完成日期：2006/04/12

【編輯說明】本資料庫由中華電子佛典協會（CBETA）依大正新脩大藏經所編輯

【原始資料】蕭鎮國大德提供，北美某大德提供

【其他事項】本資料庫可自由免費流通，詳細內容請參閱【中華電子佛典協會版權宣告】

公元二零一三年五月二十六日馬來西亞萬撓佛教會蔡文端居士修訂。